

Magalona hæc teneat: de Nufa vsque Ribogar, de Castello Millia vsque Angoram.

Nemauso hæc teneat: de Busa vsq; Angoram, de Castello vsque Sambiam. Luteba hæc teneat: de Samba vsque Rabaua, de Anges vsque Montem Rufum.

Carcasona hæc teneat: de Monte Rufo vsque Angeram, de Angosa vsque Mentana.

Elna hæc teneat: de Angera vsq; Rosinola, de Laterosa vsque Lamusam.

Hæc habet Notitia antiqua Narbonensis, ex qua prorsus fatendum est, cum apud eam Vcetiæ nulla mentio fiat, hanc tunc autocephalam fuisse: eaque forte ratio est propter quam dicitur Metropolis in alia Notitia veteri, quam eruditissimus Andreas du Chesne dedit ex bibliotheca clarissimi Philberti Du Sault, qua in Prouincia Narbonensi sic legitur: [Castrum Vzeten- se, id est Astituensium ciuitas Metropolis.] Nisi dixeris hanc Metropolim nominari, quod Constantius Vzeticensis Episcopus ab Hilario^a obtinuerit, vt in locum Hermis Narbonensis auctoritatem ordinandorum Episcoporum haberet: quod Metropolitanorum munus esse nemo nescit.

^a Hilarius epist. 3.

XXI.
METROPOLIS, ET
PROVINCIA
AQUENSIS.
^b Plin. lib. 3. cap. 4.
^c Sidon. Apoll. lib. 3. carmine 23.
^d Velleius Paterculus lib. 1.

Aquæ Sextiæ Metropolis Narbonensis secundæ in Notitia civili Prouinciarum & ciuitatum Galliarum. Harum mentio fit apud Plinium^b & apud Sidonium Apollinarem.^c Sextiæque dictæ sunt à Sextio Caluino Saliorum domitore, qui primus urbem illam muro cinxit, vt apud Velleium^d Paterculum dicitur: Sextiliæ Aquæ in Mario apud Plutarchum nominantur. An autem Metropolis Ecclesiastica fuerit ciuitas hæc, non ita clarè apparet in monumentis antiquis Ecclesiæ Gallicanæ. Proculo Massiliensi concessa est à Patribus Concilij Taurinensis auctoritas ordinandorum Episcoporum Narbonensis secundæ; cumque ipsi à Zosimo Pontifice Romano ablata est, qui ordinationes ab eo factas indebitas irritasque declarauit, eam auctoritatē ad Patroclum^e Arelatensem pertinere scribit his verbis: [Vnde Metropolitanus in te dignitatem atque personam, etiam Apostolicæ Sedis auctoritate considera: in quem furtiuè locum pro indebita Synodo Proculus usurpatum irrepsit.] Et quis nescit Symmachum^f decreuisse circa annum 414. in epistola ad Cæsarium Arelatensem, vt [Sitam Ecclesiæ Aquensis Antistes, vel alius quilibet Metropolitano Pōtifici iuxta Canonum definitionem vocatus obtemperare noluerit, nouerit subdendum se, quod non optamus, Ecclesiasticæ disciplinæ.] Adde quod earum Præsules inter eos qui mera dignitate Episcopali potiebantur, & non inter Metropolitanos subscribant. Sic Auolus inter Glannatensem & Redonensem Aurelianensi quinto, & Aruernensi secundo inter Glannatensem & Diniensem, & Pientius inter Telonensem & Deensem Matisconensi secundo: vnus Maximus post Ebrodunensem Aurelianensi quarto subscribit, sed & post alios simplices Episcopos. Vnde ciuitatem hanc Ecclesiasticam Metropolim, per sex priora sæcula fuisse, vix potest existimari.

^e Zosim. P. epist. 9. ad Patroclum.

^f Symmachus P. ep. ad Cæsarium.

XXII.
METROPOLIS, ET
PROVINCIA
EBREDVNENSIS.

Ebrodunum, alijs Ebredunum, & Ambronum ciuitas in Alpibus maritimis sita est ad Druentiam fluuium, earumque Metropolis ciuilis dicitur in Notitia Prouinciarum & Ciuitatum Galliarum. Attamen huius Episcopum ab initio Metropolitanum non fuisse discere est ex Concilio Regensi sub Cælestino Papa, vbi Armentarij Ebredunensis electio, quod absque Metro-

^g Concil. Regense can. 2.

litani